

ԳԵՐԱԴԱՍԵՆՔ ԱՍՏՈՒԱԾԱՅԻՆԸ


Զփնտոենի մարդոց գովասանքը, այլ՝ աստուածայինը, այլապես նախատած կ'ըլլանի գԱստուած: Ինչպէս, որ պատիւի արժանի մարդիկը երբ տեսնեն եւ անարժաններ պատուեն, նախատած կ'ըլլանի առաջինները, նմանապէս անոնի, որոնի Աստուծոյ համար բարիք չեն գործեր, այլ՝ աւելի միայն մարդոցմէ գովասանի կը փնտոեն, անարգած կ'ըլլան իրենց անձը:

Դարձեալ, մարդոց առջեւ չար գործեր կատարել կը վախնանի, իսկ Աստուծոմէ երբեք չեն ակնածիր: Ո՛չ ոք կ'ուզէ մարդոց կողմէ տեսնուելով պոռնկութիւն ընել, նոյնիսկ եթէ այդ ախտով սաստիկ տառապի, իսկ ամենատես Աստուծոյ առջեւ մարդիկ ո՛չ միայն կը շնան, այլ անհամար չար գործեր կը կատարեն:

Նախապատուութիւնը Աստուծոյ պէտք է տալ եւ ո՛չ թէ մարդոց: Ասիկա կրնանի ընել այն ատեն, երբ մտածենի, թէ ի՞նչ է մարդը եւ ի՞նչ է Աստուած: Մարդը նոյն մեղքին ենթակայ է եւ ինչու հետոյ Քրիստոսի ատենին պիտի ներկայանայ: Մարդը ոչնչութիւն է եւ իր կատարած դատաստանները ուղիղ չեն. կարօտ է երկնային օգնութիւն: Մարդը հող է եւ մոխիր, թէեւ գովէ իսկ, սակայն յանախ պարապ տեղ կը գովէ, այսինքն՝ կամ շնորհի մը ձեռք բերելու եւ կամ՝ դիմացիներ նախատելու համար, բայց Աստուծոյ մօտ նման բաներ չկայ, Անոր վնիւրը նշմարիտ է:

Բարսեղ Մաշկեօրցի

ՀԱՅՑ. ԱՌԱՔԵԼԱԿԱՆ ԵԿԵՂԵՑԻՈՅ Ս. ՊԱՏԱՐԱԳ



ՊԼՏՐԱՎԻ ԽՈՐՀՈՐՈՒՆ ՀՎՏԱՏՈՒՄԸ 2.- Պատրաստութիւն ընծաներուն Գ.- ԲՈՒՆ Ս. ՊԱՏԱՐԱԳ կամ ՀԱՌԱՏԱՅԵԱԼՆԵՐՈՒ Ս. ՊԱՏԱՐԱԳ

Խնդրանքները կը շարունակուին, այս անգամ՝ սարկաւազի կողմէ Աստուծոյ ընծայուած գոհութեամբ եւ փառաբանութեան խօսքերուն մէջէն, որոնք ջերմօրէն կը ներգրաւեն հաւատացեալներու սրտերը: Դարձեալ կը յիշատակուին հայոց հայրապետին եւ առաջնորդին անունները, որոնց այս անգամ կու գայ միանալու յիշատակումը քահանային, որ Ս. Պատարագը կը մատուցանէ:

Կը յիշատակուին գօրութիւններն ու յաղութիւնները քրիստոնէայ թագաւորներուն եւ բարեպաշտ իշխաններուն:

Եւս առաւել կը յիշատակուին հանգուցեալ հայրապետները եւ եկեղեցոյ շինողները ...

Շարունակելի



ՔՈՒ ԽՕՍՔԻ ԽՄ ՈՏՔԵՐՈՒՄ ԵՐԱԳ Է ՈՒ ԽՄ ՇԱԽԻՆԵՐՈՒՄ ԼՈՅՍ (ՍՂ.119.105)

ՃԷ. ՏԱՐԻ ԿԻՐԱԿԻ, Յ ԴԵԿՏԵՄԲԵՐ 2024 ԹԻՒ 49

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՑՈՒՄՆԵՐ Ես. 37.14-38: Ա. Թս. 1.1-12: Ղկ. 14.12-24

ՅԻՍՈՒՍ ՔՐԻՍՏՈՍԻ ՎԵՏԱՐՎԱԸ ԸՍՏ ԴՈՒԿԱՍԻ 14.12-24

Ապա Յիսուս տանտիրոջ ըսաւ. «Երբ ճաշի կամ ընթրիքի հրաւեր կու տաս, մի՛ կանչեր բարեկամներդ կամ եղբայրներդ, որպէսզի չըլլայ որ անոնի ալ ինչ հրաւերիդ փոխարէն ինչ հրաւիրեն, եւ այս ձեռով ինչի հատուցում կատարած ըլլան: Ընդհակառակը, երբ ընդունելութիւն կը սարքես, կանչէ աղքատներն ու խեղանդամները, կաղերն ու կոյրերը եւ այն ատեն երանելի պիտի ըլլաս, որովհետեւ անոնի ինչ փոխարէնը հատուցանելիք ոչինչ ունին: Եւ գիտցած եղիր, որ ինչ հատուցումդ պիտի ստանաս արդարներու յարութեան ժամանակ»:

Երբ սեղանակիցներէն մէկը այս խօսքերը լսեց, ըսաւ Յիսուսի. «Երանի՛ անոր, որ Աստուծոյ արքայութեան մէջ ճաշ պիտի ուտէ»:

Յիսուս անոնց հետեւեալ առակը պատմեց. – Մարդ մը կար, որ մեծ ընթրիք մը սարքեց եւ շատեր հրաւիրեց: Ընթրիքի ժամուն իր ծառան ղրկեց որպէսզի հրաւիրեալներուն ըսէ. «Նկէ՛ք, ամէն ինչ պատրաստ է»: Հրաւիրեալները սկսան մէկ առ մէկ հրաժարիլ: Առաջինը ըսաւ. «Ագարակ գնեցի: Պէտք է երթամ եւ տեսնեմ գայն, հետեւաբար կը խնդրեմ, որ ներողամիտ գտնուի»: Միւսը ըսաւ. «Հինգ գոյգ եզ գնեցի: Պէտք է երթամ փորձեմ գանոնի, հետեւաբար կը խնդրեմ, որ ներողամիտ գտնուի»: Ուրիշ մը ըսաւ. «Տակաւին նոր ամուսնացայ, հետեւաբար չեմ կրնար գայ»: Ծառան վերադարձաւ եւ իր տիրոջ պատմեց անոնց ըսածները: Այն ատեն տանտէրը վրդոված՝ ըսաւ ծառային. «Անմիջապէս քաղաք գնա՛ եւ հրապարակներուն ու փողոցներուն մէջ ո՛րքան, որ աղքատ, խեղանդամ, կաղ եւ կոյր տեսնես, բոլորն ալ հո՛ս բեր»: Քիչ ետք ծառան վերադառնալով իր տիրոջ ըսաւ. «Տէ՛ր, հրամանդ կատարեցի, բայց տակաւին տեղ կայ»: Տէրը ծառային հրամայեց. «Քաղաքէն դուրս գնա՛ եւ ճամբաներուն վրայ ու դաշտերուն մէջ ո՛վ որ գտնես, ստիպէ որ գայ, որպէսզի տունս լեցուի: Կ'ըսեմ ձեզի, որ առաջին հրաւիրեալներէն ո՛չ մէկը ինծի հետ ընթրիքի պիտի նստի»:

ՍՈՒՐԲԵՐ ԵՒ ՏՕՆԵՐ

ՆԻԿՈՂԱՅՈՍ ՅԱՅՐԱՊԵՏ

Նիւոայ Արքեպիսկոպոս՝ որ Լիկիոյ քաղաքէն էր, Զմիւռնիոյ մօտ: Որդին էր Եպիփան եւ Նունէ անուն բարեպաշտ ծնողաց: Իր հրաշագործութիւններով ուշադրութիւն գրաւեց մանուկ հասակէն: Եպիսկոպոս ձեռնադրուած է իրեն համանուն եպիսկոպոսէն՝ որ իր բեռին էր: Մասնակցած կը համարուի Նիկիոյ ժողովին: Մանուկներու մասին տարած հոգածու սիրոյն համար, նկատուած է մանուկներու պաշտպան: «Սանթագոգա» կոչումը ուսմանը եւ մանկաբար խեղածեւուած կերպն է՝ իր անունին: Ան ծանօթ է իբրեւ ազատարար՝ նաւակծելոց եւ կոչուած է Սֆանչելագործ: Բարի մահով վախճանած է Դ. դարուն: Քանի մը դար ետք, իր նշխարները փոխադրուած են Իտալիոյ Պատի քաղաքը, ուր կայ մեծ տաճար մը՝ իր անուան նուիրուած:

ՄԻԱՄՆԱԲԱՐ ԱՂՕԹԵՆՔ

Ողորմէ՛, Տէ՛ր, մեր եղբայրներուն, ծնողներուն ու իմ արիւնակից մերձաւորներուս, կրօնաւորներուն ու միանձն ճգնաւորներուն: Անոնց, որոնք մեզի ողորմութիւն պարգեւեցին եւ անոնք, որ յանձնարարեցին զիրենք յիշել մեր աղօթքներուն մէջ: Ողորմէ՛, Բարերար՛ի, եւ տո՛ր իւրաքանչիւրին կարիքին համաձայն: Առատապէս բաշխէ՛ Սուրբ Հոգիիդ շնորհքները բոլոր անոնց եւ զարդարէ՛ ու միացո՛ր Զու Աստուածութեանդ սիրոյն մէջ: (Եփրեմ Ասորի)

ՎԱՐՑՈՒՄ ՊԱՏԱՆՍԱՆ

Կիրակի օրը եկեղեցի երթա՞մ, թէ՞ տունս՝ իմ սենեակս աղօթեմ: Այդ մէկը բաւարար է ինձի համար

Վարդան Վարդապետ Այգեկցի կ'ըսէ. Քրիստոս աղօթողին այսպէս հրահանգեց. «Քու սենեակդ մտի՛ր եւ փակէ՛ քու դռներդ, եւ գաղտուկ աղօթք ըրէ՛ քու Հօրդ» (*Մատթէոս 6:6*): Այստեղ մարմինը եւ սիրտը սենեակ կը կոչէ եւ կը պատուիրէ մարմնական ամէն խորհուրդ՝ աղօթքի ժամանակ մտէն հեռացնել:

Քրիստոնեայ ժողովուրդէն մէկը, երբ լսէ եկեղեցւոյ զանգին ձայնը՝ գիշեր թէ ցերեկ ատեն, մանաւանդ Կիրակի օրը, որ տէրունական օր է, եւ եկեղեցւոյ՝ երկինքի արքայութեան դուռը չ'երթար, քահանան չի տեսներ, ու չի լսեր Աստուծոյ պատուիրաններուն հրամանը՝ պիտի չտեսնէ փառաց Տէրը բազմած՝ քահանայ կենդանիներուն վրայ: Ուստի, ան որ Կիրակի օրը չի տեսներ եկեղեցականը եւ չի խոստովանի իր յանցանքները, Աստուծոյ փրկութիւնը պիտի չունենայ:

Վարդան Վրդ. Այգեկցի

ԱՌԱԿ

Խրատ առէ՛ք եւ ոչ թէ արծաթ, գիտութիւն՝ քան թէ ընտիր ոսկի: Իմաստութիւնը աւելի կ'արժէ քան գոհարեղենները եւ ոչ մէկ թանկարժէք բան կրնայ հաւասարիլ անոր:

Ես՝ իմաստութիւնս, բնակեցայ խոհեմութեան մէջ եւ իւրացուցի մտածողութիւնն ու գիտութիւնը:

Աստուածավախ մարդը կ'ատէ անիրաւութիւնը, թշնամութիւնը, հպարտութիւնն ու չարագործութիւնը:

Հ Ո Գ Ե Ի Ո Ր Պ Ա Տ Գ Ա Մ

ՅԻՇԵՆՔ, ՈՐ ԱՏՈՒՄԾ ՍԷՐ Է, ԲԱՅՅ

ՉՄՈՒՆԸՆՔ, ՈՐ ՆԱԵՒ ԱՐԿԱՐ Է

Նախորդ բաժնին մէջ խօսեցայ «սխալ ուսուցում» հասկացողութեան մասին: Միայն ուսուցումը Աստուածաշնչական ճշմարտութիւնները պլափոխելը չէ միայն: Միայն ուսուցումը կը նկատուի այն ուսուցումը երբ ամբողջ շեշտը ճշմարտութեան մէկ երեսին վրայ միայն կը դնէ: Օրինակ, երբ քարոզիչ մը մնայուն կերպով կը խօսի Աստուծոյ սիրոյն մասին եւ սակայն բնաւ չ'անդրադառնար Աստուծոյ արդար ըլլալուն մասին, զինք ունկնդրողները կրնան իրենց ամբողջ յոյսը դնել Աստուծոյ սիրոյն վրայ եւ ճիգ չթափել նորոգուած կեանք ապրելու: Եթէ երբեք կան քարոզիչներ, որոնք ժողովուրդը սիրաշահելու համար միշտ դրական բաներու մասին կը խօսին, կան նաեւ քարոզիչներ, որոնց քարոզները միշտ ու միայն քննադատական եւ դատողական են: Քարոզի այս երկու կերպերն ալ հաւասարապէս կործանարար են:

ՄԵՐ ՍՈՐՎԵԼ ԻՔ

Հ Ո Գ Ե Ի Ո Ր Դ Ա Ս Ը

Լաւ է միշտ յիշել, որ Աստուած սէր է, բայց նաեւ պէտք չէ մոռնալ, որ Աստուած արդար է եւ արդարութիւն պահանջող:

ԵԹԷ ԿԱՍ ԵՐԲ Կ՛ՈՒԶԵՍ...

ԵԹԷ ԿՈՒԶԵՍ ԳԻՏՆԱԿԱՆ ԲՐԻՍՏՈՍԻ ԱՆՎԱԽՃԱՆ ԹԱԳԱՎՈՐՈՒԹԵԱՆ ՄԱՍԻՆ, ԿԱՐԳԱՔՍ ԱՎՂԱՄՈՍ 72

Ո՛վ Աստուած թագաւորին յանձնէ դատաստաններդ, արքայորդիին յանձնէ արդարութեանդ գործադրութիւնը, որպէսպիսի արդարութեամբ դատէ քու ժողովուրդդ, քեզի համար տառապողներուն իրաւունքը վերահաստատէ: Թող լեռները ժողովուրդիդ բարօրութիւն ընծայեն, բլուրները արդարութիւն պարգեւեն: Թող թագաւորը ժողովուրդին աղքատներուն դատը պաշտպանէ, ապատագրէ չքաւորները, եւ ճկմէ վանոնք հարստահարողները: Թող ապրի այնքան՝ որքան ատեն կը մնան արեւը եւ լուսինը, սերունդէ սերունդ: Անձրեւի պէս թող իջնէ արտերուն վրայ, տարափներու պէս ոռոգէ երկիրը: Իր օրերով՝ արդարութիւնը թող ծաղկի, եւ առատանայ բարօրութիւնը, որքան ատեն, որ կը մնայ լուսինը: Թող անիկա տիրակալէ ծովէ ծով, գետէն սկսեալ մինչեւ երկրին ծայրերը: անոր առջեւ պիտի խոնարհին անապատին բնակիչները, թշնամիները անոր առջեւ հողը պիտի համբուրեն: Սպանիայի եւ Միջերկրական ծովը եկերող երկիրներուն թագաւորները անոր տուրք պիտի տան, Արաբիայի ու Սաբայի թագաւորները անոր ընծայ պիտի բերեն: Բոլոր թագաւորները անոր առջեւ պիտի խոնարհին, բոլոր ապգերը անոր պիտի ենթարկուին: Որովհետեւ անիկա հարստահարողին ձեռքէն կ'ապատէ չքաւորները, աղքատն ու անօգնականը: